

遂

初

堂

詩

集

遂初堂詩集卷之十三

楚粵遊草

重登浴日亭和東坡韻

乘潮挂席泛江天，重到扶胥黃木灣。
湧地金鉦暘谷日，排空雪浪海門山。
看碑扣鼓餘佳興，感舊懷鄉減壯顏。
羨殺鯤鵬能變化，搏風遊戲兩溟間。

重遊惠州西湖

惠州城外湖隄永，葭菼蒼蒼雲樹冷。
懸泉百道下巖巒，瀦作西湖浸千頃。
風亭月榭相蔽虧，城堞浮圖互倒影。
坐看幽勝歷循梅，未暇雄較杭潁十載前。
曾客此州。

一時豪雋爭攀留擁節元戎能愛客

提督許
蓋臣

操觚公子

偏風流青油之幕沙棠舟攜尊邀我湖心遊十里清香
撥蓮菱一篙新漲衝鳬鷗火齊堆盤荔初熟細擘鮫綃
嚼寒玉醉歸嚴城不上關更遣參軍舞鴈鴒作碑酬絹
每盈車看畫題詩動聯軸不識人間有客愁但說清遊
當秉燭今度重來萬事非將軍墓木已成圍合江樓空
閉金鎖東坡亭做眠鐵衣石隄久破水泉涸畫舫不到
遊人稀名園爲塾蒿沒磴廢沼種麥苔平磯獨吟獨坐
增悲慨竹院猶殘老僧在指點陳蹤一惘然壑徙舟移
不相待俯仰之間成古今何論百年與千載便如薊子

摩銅人莫訝麻姑訖桑海

白鶴峰東坡故居

境遇無美惡美惡從心生苟能齊得喪大地皆蓬瀛嶺
南雖炎熱山水秀且清居人多壽考藥物羅千名奈何
唐宋人視若甯與阮謫宦如就死涕淚晨昏零至者亦
多病往往歸銘旌良由乍失路坎壈懷不平百憂復千
慮坐使疾疹縈達哉東坡翁視身如浮萍聽其所棲泊
不與風水爭死生非所動寵辱安足驚時來居玉堂時
去安柴荆得意食五鼎失意甘藜藿巖海等中州逍遙
一身輕鶴峰茅可結豐湖蕁可烹白水浴湯泉羅浮餐

青精豈惟不愁苦樂事翻合并忌者意不懶更遣僭州
行居僭亦如惠詩筆彌縱橫造物無奈何放之使歸耕
賈生遷長沙憂傷促天齡退之稱崛強乞命於湘靈千
古一坡翁處困如處亨翁本謫墮人豈惟文中英學道
早有得廓落地明出語如冰雪霍然洗煩醒我願從
之遊駕虹戲八溟遺蹤此髣髴白鶴來天聲

自龍川過嶺

惠潮兩雄郡提封各千里中間限連山隔絕東西水山
惟五嶺支南行脊隆起我昔遊霍山曾登趙佗壘今作
潮陽遊驅車遂東指修坂憂雲青層峰映天紫離離黍

苗秀活活泉流駛山寺巖山泉色味俱清美白蕤盛若
空客愁爲一洗昌黎昔南遷驛路實過此名賢廟祀宜
傳會自誰始地名冒藍關肖像雜湘子公貶在春正到
湖春盡矣初出藍田關題詩紀行李嶺南固無雪三月
尤非理集有示湘詩乃在洞庭渚相逢寧此地傳說俱
誕詭區區不足爭堅執笑氓俚謂余如不信更請徵圖
史

長樂溪行

溪村種竹如種柳臨水行行曲垂首不放溪流便出山
疊石層層截溪口舟行雖駛苦迂曲百折千迴如篆繆

得缺一溜箭脫弦好峰當前忽在後溪灘如檻皆天成
茲何寸寸出入手山田仰水始耕耘一車所吸溉千畝
莫怪惜水如惜金瀦之實難涸何有舟行勝陸畧已多
豈必星奔與電走推蓬看山緩更佳屈曲畫屏闕左右
誰呼嶺外作瘴鄉如此溪山病人否

水車

世間大巧不自用用物之力因自然力大無過風與水
驅使有道天無權帆檣輻輳皆聖作水車奇妙尤無前
築防壅水令湍悍衝波蹙踏車輪旋輪廣丈餘貫以軸
編筒其上巧在偏仰則吸水俯吐水如瓶傾瀉簷溜懸

剡木爲樁受其吐駕空行遠歸於田神龍捲波謝迅疾
霖雨注地輪連綿晝翻夜運不暫息無人守視常轉圜
溪丁作碓舂米穀山僧修笕行清泉一家一戶自便利
豈如普潤澤不專漢陰丈人戒機事此非私智天機全
於人無爭物無損其器可守法可傳吳淞水平不可激
夔蜺相視休相憐但安桔槔守拙鈍勤苦亦自邀豐年

程鄉

迢遞層城枕碧流披圖知是古梅州三春勝槩南田洞
萬古英風鐵漢樓饒有江山供客覽虛傳瘴癘使人愁
儒風見說如鄒魯文獻還思細訪求

蓬辣灘

江奔峽束鬪風霆嶺外危難遠有名上水纜如穿井出
順流船似擲梭行廻看旋伏方知險慣涉波濤已不驚
潦倒任從瀧吏笑此心平處地皆平

閉礦行

潮郡綿萬山客程傍山行堅途接樵者略訊諸山名指
點最溪處云中有銀坑盜採昔無禁羸糧走疲氓尋苗
斲巖腹排砂出精英鎔冶爛成餅朱提遜光晶貧兒可
暴富利源啟紛爭攘奪或相殺盜賊滋縱橫小利乃大
害官長豈不明處脂有餘潤欲禁焉得成賢哉今太守

謂張均益清廉莫與京始至啖以利峻拒如堅城決策遣封
閉塞爭銷姦萌居民始安堵桴鼓寂不鳴我聞重太息
斯人信邦楨遠宦在天末雅操能冰清或言山澤藏天
地之奇贏方今急治財百計謀金生何不條便宜官採
輸額征嗚呼此屬階毒蠱不可嬰地產有時盡國課恒
取盈前朝礦稅禍糜爛如沸羹丁男化亡命去弄潢池
兵富國在本計錐刀非所營端人恥言利弘羊竟當烹
此語合洗耳勿令賢守驚

韓山謁昌黎廟

文體陋齊梁極衰在唐盛儷葉與駢花纖艷日相競風

會所波靡賢豪莫能拯中葉挺昌黎才雄而骨勁崛起
爲古文排偶習掃淨天馬踏空行不踐麴廢徑鏗鏘奏
韶英一破術與鄭能事窮怪奇指歸趨雅正作者亦代
興高古疇與並見道雖未汲汲師孔孟闢佛雖甚龕
賢鯁勝庸佞髭鬣誦其文心開對明鏡今來拜祠像肅
然自生敬舉世尚脂韋百諾無一諍安得如公人力砥
頽瀾橫

潮州古揭陽秦初置軍屯唐僅領三縣山城帶蠻村名
賢罕臨蒞人材古無聞韓公翩然來鸞鳳下天門不以
荒服陋治之如中原賓賢禮孝秀學術相討論文風始

開闢靈膏澤蘭蓀至今朔人士彬彬多軼羣精誠格頑
暴至信乎魚豚臨淵出訓語潛鱣爲宵奔牧潮不匪歲
惠愛千秋存邦人謹奉事肅若周孔尊江山冠以姓一
飯思舊恩輪囷者何木苑枯驗人文有似家鼻祖垂慈
念雲孫張君感諫草守廟不用髡舊以僧守廟拘齋始罷遣之獨憐
蘇碑蝕新碣如絲棼

鳳凰臺

潮江抱郭如弓彎南馳赴海不復還天生沙洲塞江口
似與關郡爲門關層臺龍從立洲上望若鰲背浮來山
方舟絕流一登眺江山縈迴作玉環榕蔭中鋪畫堞

蔚藍天外排烟鬟長橋橫截白銀浪古塔倒浸蒼龍灣
南溟去此咫尺近鯢髯鵬翼微茫間徑須乘槎訪仙侶
何事漂梗棲塵寰十洲靈藥不可採三山欲到風濤艱
君門九重身萬里清霜入鏡絲斑斑地主多情解相慰
玉壺盛酒玻璃殷蘭橈綺席招勝友梯空眺遠舒愁顏
觴政森嚴角楚漢楸枰變幻爭觸蠻客中良會豈易得
幸無職守身優閑丹山九雛在天際詎有彩翼來斑斕
高賢棲止便如鳳韓陳渺矣誰能攀

湖山寺

抱郭環湖秀一峰仙關佛閣架重重石堪鐫字都如鼓

樹不知名半化龍
海色一簾褰落照
江聲十里應疎鐘
好山何用巖城鎖
恐是浮來更失蹤

五日韓江觀龍舟

客裏驚心節序催
銷愁賴有故人杯
火山荔共鱗魚薦
玉鮓蘭同榴蕊開
褰袂朱簾侵雨上
爭標快槳掠潮來
鯉江何似胥江好
萬里看雲首重回

和張損持庶常九疊韻詩

暫遊常萬里放曠孰如吾
君亦揆奇出身能濟勝
無入閩天鑿徑到海地窮圖
第一仙靈窟曾遊記鯉湖
灘江攀入桂湘浦訪三吾
勝地披尋徧清詞唱和無
蟻

行仍左轉鵬運亦南圖豈料同岑友相逢在鱣湖
百年從鼎鼎一榻自吾吾至味吟詩出閑愁對酒無漸
諳南食譜長展水村圖不用嗟留滯風光似鏡湖
烟消看幻態木落見真吾名節千秋在榮華過眼無采
真尋舊侶遊嶽挈新圖不淺乘桴興扁舟陋五湖

和損持初食荔支作用東坡韻

離支產在天南區中州所啖皆其枯色香味裁信宿變
紅塵一騎空馳驅此地嫣然見真態姑射仙人冰雪膚
只嫌先熟非絕品早嫁豈是傾城姝閩圖粵譜各競勝
牛羊眠但知方隅我曾兩地過炎夏欲評高下嫌心能

潮陽地居閩粵界會當各致千驪珠爭新鬪雋不相下
班香朱艷鄒枚腴同遊有客啞然笑細鱗自有尊江鱸
爲口留滯非得計搏風鵬運真良圖

損持疊韻相答走筆再和之

君才朗朗懸冰壺我如寒蟬抱樹枯欲摹景物懶拈筆
賴有高唱爲鞭驅新詩峻嶒玉山骨佳果綽約鮫綃膚
清詞雋味兩相匹何異仙客諧仙姝亦曾陪宴餐賜果
斷蓬飄落天南隅君王愛少臣已老骨相不媚肝腸麤
君宜早就藜杖火玉堂宸和揆驪珠新移閩荔入宮禁
療渴自可分瓊腴給札輸君上林橘垂竿讓我秋江鱸

歸歟吾願客亦可抽身早入浮家圖

損持三疊韻賦苦雨三和之

韓江初泛舟如鳧沙膠洲閣愁乾枯朝來新漲忽如海
鞭雷走電羣龍驅積雨連句勢未歇蒲節已過寒侵膚
雲籠山面開復掩有似簾幙藏嬌姝薰衣霏潤入箱底
餽紙蝸牛升座隅江豚拜風勢力橫屋鳩逐婦鳴聲龕
靈雨望承仙掌露愁霖怨泣泉客珠豈惟損鹽憂龍戶
亦恐害稼淪膏腴惟餘垂綸客差喜出手釣得六六鱸
着屐城頭看天際米家一幅瀟湘圖

贈華嚴菴起南禪師

夙好遊名山非徒嗜山水樂與超世人微言析精理揭
來潮陽遊江山甚清美恨不見大顓靈山空仰止陳君
問語余之此吾宗有開士真純餘古風結廬近在此聯袂
一訪之落落孤松似本自儒家流學佛得心髓法乳餐
崆峒高踪慕船子一錫徧天涯白頭歸故里鳥窠但吹
毛天龍只豎指領悟苦無人著書覺蒙否教義提綱維
禪宗抉肯綮以彼有言說顯此無言旨謂余頗知音發
篋罄底裏烹葵竟日畱咳唾皆禪喜匡廬祖庭虛台衡
法流靡何意宗說通翻在窮海埃爲客悵萍踪贊歎憑
片紙誰爲大力人與扶法幢起

竹林寺訪宜白禪師

潮州少精藍竹林頗幽勝
我來披荒榛剝啄久不應
主僧往靈山閭寂苔封徑
涉旬再過之赤髭笑相迎
山雲挂杖頭溪月懸拂柄
言從閩山來愛此清絕境
把茅聊蓋頭懶拙頗相稱
邊地少信根說法無人聽
靈山顛祖庭荒蕪草沒脛
欲往扶刹竿宗風苦不競
天籟鳴刁調百篇詩寄興
白雲不可攜客至聊持贈
潮陽亦名區人豈無佛性
向來少高僧匹衆難生敬
師爲印心人索居離鬪諍
不矜舌瀾翻所喜蒼鴉硬
大顛三扣齒昌黎苦不證
一卷寒山詩晦翁愛哦咏
文字可接人誰云非祖

令會取言離言何妨鏡照鏡

贈陳比之

園公起海濱文譽中邦馳有似水犀軍爭長盟黃池竭
來訪其後逸少有七之猶子及諸孫文采爭陸離一門
自酬唱嶰谷吹參差比之尤朗潤秀出瓊林枝詩篇最
清婉格律中唐追秋水淡無色春雲動含姿爲人絕彬彬
雅玉山映鬚眉相對無多談別去令人思長離去已久
鳳毛幸葳蕤俗所誇世家科第肩相隨何如宗工後奕
葉昌文辭甫惟審言孫邕乃李善兒勉旃弘家學樹幟
天南陲

集杜錦來寄園

無端作客到南溟鄉曲難逢快聚星誰信戎韜工翰墨
最憐官舍似園亭檻園花藥叢叢媚樓攏烟巒面面青
雨後新涼宜晚坐顏唐肯放玉山醒

爲夏回岸題梅鶴居

懶逐浮榮畏啖名種梅蓄鶴有深情無花也愛凌霜影
不舞猶憐警露聲詩就羅浮香十里賦成赤壁夢三更
孤山此日園金粉輸與高齋物色清

讀武源顧將軍傳

中原已見臥銅駝一旅厓山事若何填海空銜精衛石

迴天莫挽魯陽戈身埋絕島忠難泯骨返家山恨不磨
猶有鐵函存姓字孤兒莫漫淚滂沱

割肝行爲莆中車孝子作

世間至孝稱割股車郎割肝心更苦一割已足通神明
再割彌令人天驚兒身母身同一體平時髮膚不敢毀
親危力竭無奈何一綫可延不惜死精誠感天天可迴
十五齡延糜一盃糜一盃能再進母不嘗兒心盡紛紜
萬口爭誇矜兒心豈願求名稱亦或引古相繩詆兒迫
遑知律與禮若使一念生較量寸誠何能動穹蒼貧能
養不離膝少壯至老如一日史家論人須核實縱不割

肝猶可述

惠來道中

層岡迤邐帶平林茅塢人家結構深
鮮荔摘殘收茹醬早禾登後布秧針
炎方入夏偏多雨海國逢晴也半陰
地近南溟無路到釣鰲孤負壯年心

東海濱

惠潮間道海南邊谷邃山長路半千
積水縱橫防沒頂蘆廬卑濕苦駢肩
與廝窘客中途去簷雨愁人徹夜懸
已被鷓鴣嘲作客更教布穀勸歸田

海豐縣

行盡崎嶇犖程雲開山豁見嚴城高齋乍挽盤興賦
賢令先煩手板迎邑令白峻伯萬井桑麻人抱犢千家弦誦
士影纓銅坑錫冶都封閉料得潢池少弄兵

羊桃嶺

只言海國水茫洋豈意連山亘地長高嶺千盤摩日角
懸車一線繞羊腸邊烽熾日關應守鯨浪消時險莫忘
絕頂半龕岷石佛不知閑看幾滄桑

望羅浮作

曾踏飛雲第一峰鷄鳴海日浴芙蓉十年長是裁詩憶
萬里何期到眼重白入九霄龍洞瀑青籠一谷石樓松

鸞吟蝶舞如相待，準擬秋深策瘦筇。

閏七夕後一日集法性禪院分韻得片字

羊城吾舊遊，年華去如電。重來萬事非，舟移而壑變。稍喜數精籃，竹樹仍葱蒨。蘭湖老赤髭，脩然鶴骨健。苾苾詩轉工，藹藹春雲絢。新涼試招尋，聯翩集羣彥。解衣長松陰，坐立從所便。清言繭抽絲，妙義鋒挂箭。石分甲乙品，碁決雌雄戰。香飯餐伊蒲，山蔬勝玉饌。開軒延雲光，展簾拂花片。俗塵不煩除，世慮自然遣。莫言禪門冷，亦有炎風扇。投閑而得喧，作計未爲善。何如真率流，披襟數相見。排簾對青山，依依放人面。

六從堂讌集分韻得用字

男兒故是摩天鳳名位膠粘不能動不見金門索米人
汗青頭白需資俸藥亭先生達觀者一踏紅塵便飛鞋
歸臥家山十二秋詩滿巖屏書接棟我亦槐根睡覺人
騎鯨捉月容豪縱善病張融采藥來謂損持羅浮仙笛同
吟弄逢君大笑開積懷論文品石傾家甕新涼開讌古
藤陰詞人輻輳清歡共冰紋古琴傳大雷鵝眼寶硯來
中洞考古任翻鄴架書攄懷恣作洛生諷手談靜默無
紛爭觴政雍容絕喧閑興來細擘菖蒲牋拈題探韻傳
鉤送淮蔡偏師競先登幽燕老將能持重爭奇角險隨

匠心雕盤秋空射命中如斯謀樂豈不佳差勝趁朝寒
忍凍傲他授簡集鄒枚俗殺彈冠說王貢萬事過眼如
煙雲得失何爭鹿蕉夢水中鳧與轅下騶縱車生耳亦
安用天涯老友會面難作歌須長飲須痛休問千金陸
賈裝且甘五色青門種

中秋馮躬暨太守招集衙齋

一葉梧飛動客愁况逢佳節報中秋多情地主相存慰
不速心知共讌遊官閣香凝書繞座海天雲淨月當頭
圓珠一串歌喉轉絕勝喧闐在虎丘

侍宴師門憶往年長椿萬柳日隨肩空懷北海新松檜

不見東山舊管絃
騰達羨君方艸組
飄零愧我已華顛
銜恩感舊無窮意
并在清宵桦燭前

六榕寺天公精舍

子安碑記子瞻書
壯刹年深有淨居
僧不傳衣偏秀朗
榕非舊本更清疎
遺塵使出人間世
習靜同遊遂古初
已識穎師琴入妙
無絃聲韻定何如

懶向鈴齋與戟門
絕憐僧院素風存
天容道貌無拘檢
詩律禪燈好細論
燒笋風流驕綺席
品茶標格壓芳樽
若教日日精廬坐
忘却江南紅葉村

鈕玉樵用余贈行詩依韻見答復疊前韻酬之

五嶺隔中州官以郵傳視一飲石門泉不復見廉吏取
民何必巧箕歛有成例吾友冰雪心不貪素所貴高步
鷄羣中孤立行一意不羨鼯鼠騰不愁匏瓜滯潔躬如
守隄遠貨如拔刺豈惟清絕塵惠民有實事高壘撫盜
平長圍衛田置丁男課耕桑婦女賤珠翠人比桐鄉懷
政匹中年異末流仕皆賈如君乃真仕惜哉滯百里不
登華要地昨歲送君行贈詩相砥厲竭來過所期卮言
幸不棄拏舟擬相尋及此風颿利猪肝恐累人臨流不
終濟南藩聞武闢典校需有位軒車翩然來快談豁氛
翳吾方悲泉狂君亦笑猩醉欸語如故鄉都忘在炎癘

一命可澤民莫作歸田計我耽汗漫遊白眼玩一世豈
必長冷并淡交殊有味

蒲澗寺

羊城東畔市塵疎巖澗蒼寒好結廬
浚樹絡藤披作帳
清泉漫石瀉成渠雲山霸國提封外
藥物仙人服食餘
容得高流此棲遁名根祇恐未消除

簾泉寺

傍澗尋山不覺浚山迴澗轉樹交陰
雲開忽湧初禪地
風過遙傳梵梵音亂灑驅珠沾客袖
輕懸綃箔到潭心
靈泉不作砭蟲勢一滴炎天解作霖

白雲山登高

白雲山頂出雲層客到雲開萬象澄
嶺嶠迢迢無過鴈海天空濶有鸞鵬
霜花滿眼催時序蜃市崇朝感廢興
無復英雄能遁世安期仙竈蔓寒藤

重遊七星巖

崧臺奇妙最難忘彈指重遊已十霜
林岫蔥籠仍翠染峰巖飄動尚鸞翔
亭存四癸人堪憶僧真際作亭吳圍次名曰四癸芥

及雙鸞事可傷

山有鸞石新被伐去

自去山公遊屐少

謂前制府吳

村雲牕月磴久荒涼

硯石歎

端溪硯石天下名雲映玉髓唯水坑三旬車水百夫鑿
潑入巖腹旁敲鑿截肪割雋出秘洞冰純滑潤珠晶熒
地不愛寶有時盡山枯坑閉無畱英人間珍藏購難得
工人勸客爲採石浹旬捆載連翩來細鑿輕磨黯無色
客未見舊祇見新片片雕鐫自珍惜我見水巖不如此
未敢輕褒混黑白溪行審視始豁然新坑乃在官道邊
鑿山尋丈去水遠何由舊物同鮮妍從來至寶非淺獲
驪珠須是探重淵汲長綆短亦安用朝耕暮穫無良田
衆工大笑操鋤前幾人藻鑑能精專滿懷燕石差易售
千金之璧恒棄捐

惠州西湖十詠

湖心亭

點破湖天影微茫一草亭片雲依鷺白孤嶼浴波青吹
笛無仙侶垂竿有客星江風消酒力一上一回醒

攬勝亭

湖光昏旦異勝槩此全收日抱樓臺漾雲銜草樹浮荔
香堪送夏鱸美欲先秋好慰南遷客言愁何處愁

黃塘寺

大小黃塘里人家半枕湖疎籬燈隱現潑樹雨模糊寺
共霜鐘冷僧同露鶴孤誰拈松雪筆寫作水村圖

棲禪塔

秀出層岡上中天一柱標光翻湖日動影落海門遙鈴
語清塵夢鐘聲答晚潮雷峰堪比擬望斷短長橋

蘇公堤

誰將雜組線界破碧玻瓈綰袖長楊弱承茵嫩草齊春
生遊女屢花散玉驄蹄何似天隨子清吟獨杖藜

朝雲墓

佳麗人多有坡公妾獨傳樂饑堪伴謫離垢欲通禪鬼
化茲山土神棲何界天纖纖湖上月猶似照嫋娟

卒提閣

小峰如許秀有鶴卽孤山閣在松杉杪僧居紫翠間江
光浮塔去湖勢撼城還雲出雲歸便閑房不用關

永福寺

宏敞前朝寺兵餘結構新至人曾遯跡國士此潛鱗
保讀書於寺遇真
空禪師今有像存天濶雲垂幕湖平月湧銀不須僧共
語魚鳥最相親

元妙觀

觀敞臨無地樓高切太清真儀仍肅穆仙界只空明水
淨雲無影松高露有聲蓬瀛原咫尺來往任騎鯨

拱北橋

層層隄束水只放一橋通不覩排山漲安知砥柱功舟
移銀漢上人醉錦帆中不盡觀瀾意相將踏臥虹

葉瑞五式梁招遊西湖鄰坡秉權非漁畢集卽事
分賦

山遵水而趨水薄山而定涵浸成重湖清輝兩相映層
城壯飛甍倒影落天鏡六橋跨雙堤彷彿如明聖天公
憐坡仙謫墮以此贈寓惠詩百篇大半臨流詠我行三
過循不淺沿洄興意到常獨遊得朋更豪勝地主知雅
懷蘭橈一尊訂風日恰晴和林轡轉娟覩牽藻掠柔瀾
披榛討幽徑高歌魚龍起逸嘯鸞鶴應藉茲空曠觀適

我幽偏性湖堤喜新成日見春水盛微嫌菱葑淤空明
未全稱思驅修月斧一洗水輪淨

江山氣清壯磅礴生人文名宗葉與姚賢達何繽紛石
洞擅高節龍潭樹奇勲太常操鵠立憲副聲蘭芬弓裘
儼不墜濟濟見曾雲刺史早懸車瑞五惠連秀軼羣式梁

仲容藝拔幟

權乘

無忌才冠軍

非

海曲韞珠貝明堂待鋪

護吾衰樂取友學圃不獨耘天涯見英俊詞塲思平分
况逢佳山水過從不厭勤雅詠憂金石鴻章溯皇墳舉
觴酌坡老掀髯笑相間寥寥五百年作達有諸君

石上陸行至峰市作

萬水赴東北汀江獵南流雄吞諸溪水箭激趨潮州中
有隔閼處亂石當襟喉閩粵所分界過水不通舟人行
上絕壁蔽日楓楠稠如經棧道險似入仇池幽俯視但
白浪滾滾相騰蹂碎轟萬雷鼓灼爍千兜瑟十里臥瀑
布百丈掀潮頭勢排地軸轉力撼山根浮飛鳶畏跼墮
天吳不能遊石非有情物水性本至柔位置失其平關
爭不得休吾欲乞真宰鞭霆策奔蚪盡平此硯礪豁達
成鴻溝愚公意尉勇排闥與誰謀

峰市至黃泥瀧經三折新豐大孤諸險灘作

聞谿多險灘入境卽駭駟地無一里平水流石在腹鳴

聲何嘈嘈沸浪紛跳蹙舟行石罅間繚繞羊腸曲兩山
相輳時奔湍困拘束迸出如遊龍悍怒不可觸溯流欲
上之寸進而丈縮舟人多便巧出沒於漩洑篙纜隨所
施操縱妙輕速騰身捷猿猴作氣勇賁育一灘復一灘
銜尾相追逐刺石如刺虎牽舟似牽犢不剛不柔問心
手相應熟紙船而鐵工諺語殊可錄乃知世間事不爭
智力足處之得其方龍擾獅可牧衰年涉危途垂堂戒
童僕靜觀出險理可以齊寵辱

重遊杭川喜晤諸故舊

三千里外曾遊地豈料萍蹤得再過地主依然蘭味合

故人微覺髭絲多拂苔還認題名壁撥草重尋落屐坡
白足山僧迎我笑長懸一榻待維摩

謂匪石
釋師

寫丘園作

性樂林泉畏市喧暫居猶喜得閑閑
淡澹山色晴浮閣清淺溪流曲抱軒
侵夢晨鐘連梵宇覆村淡樹接花源
安眠便作吾廬想只少伊人與晤言

謂劉
黠石

汀江

汀江再溯愜歸心只苦春寒日日陰
舟似蝸房四邊漏漲添蛟雨十分深
灘當險處山偏好人正愁時鳥一吟
行李淹留時序速
簷筍已成林

漱玉亭

數峰巧石枕江干冠石爲亭漱碧湍郡守看山時拄笏

令君畱客共憑欄

長汀令話嚴宗兄饒別於此

天舒霞采供詩筆江

放魚龍入釣竿勝地久埋官道畔一經披剪作奇觀

清流縣

清流難得見愛此縣名嘉一水清環郭千峰秀拱衙造

舟專嶺表

閩省八郡皆用清流旂

轉木徧天涯

山多巨木踰嶺市於江淮風節

裴公重

尚書裴公名應章

荒山有世家

漁滄廟

廟神姓樊名令仕南唐勳賊戰死今爲水神

英雄能殺賊毅魄每爲神不讀前朝碣寧知死事臣姓

名遺國史廟貌肅龍津共有安瀾祝溪毛薦旅人

鐵石磯靈山寺

欲下危灘去維舟暫泊磯漲平看石出雨歇見龍歸古
木深藏寺閑雲靜擁扉倦遊頻涉險枯坐讓田衣

過九龍灘

閭溪百千灘九龍實奇險連峰障爲壑一峽束成檻密
樹氣陰森濃雲色悽黯巖巖鯨呿牙岸岸龍縮頷怒流
千蛟螭碎石萬菱茨陸瞰猶寒心舟行敢輕犯長年別
僱募輕載還分減虔恪祀神靈軒昂壯心膽遙迤歷湍
磯逼仄入巖穴忽如雷霆來震耳不及掩乘高墜淵淪

破浪出坎窟崩濤銀山排弱杵風荷颭稍觸寧倖全一
墜不再攬前灘險後灘迅疾無畱艦六龍旣颭馳三龍
復電閃砰訇廿里間熊咆而虎喊未遑收驚魂何暇恣
瀏覽推篷偶旁矚削立千齒蒼淨如玉雪鑄爛若丹青
染亭亭笏孤標子子圭上刻瀑布懸百尋珠簾散千點
奇妙難具論沉埋良可感衰頽念羈人憂患經習坎老
病來侵尋年華去荏苒利名浮雲輕嗜好嚼蠟淡胡然
數乘危倦翼飛未斂心同臺尚遯跡異蘇黃貶逝將歸
故園一徑蓬蒿斬小山陟陂陀清溪泛漱澗心平地盡
平無欣亦無憎

永安道中

經旬上水苦行遲，也有沿流迅發時。
新漲乘來帆不逮，重灘過後險方知。
連村造紙勝紈素，夾岸排峰肖武夷。
欲訪仙源無入處，過溪橋斷雨絲絲。

步訪桃源洞不達

延平府

三面清江一帶山，層城如畫碧環間。
江中帆檣明燭數，城上樓臺迥可攀。
遠意欲將憑弱羽，時遣使往三山故人重見感衰顏。

謂范筆山太守

有情得似雙龍劍，千里分飛一夕還。

過建寧贈郡守龐雪崖

靜似澄潭懶似雲，同人恬雅最推君。
裴王標格清無敵，

儲孟詩篇秀絕羣
漸羽正應憐鶴潔
當門偏自忌蘭芬
廻翔省寺何妨久
練達居然郢匠斤

五馬朱輪爵不卑
一麾何事詠延之
股肱都是甌閩界
牧伯身爲長吏師
吹律仁風寒谷應
飲水清操九天知
畧酬經國平生願
絕勝然藁獨照時

桂栝楓梧不共根
榮枯霜露信乾坤
乘時君作龍伸蠖
養拙吾甘瓠落樽
萬里江湖隨簪笠
十年書札斷金門
故人屈指多零落
賴有扶輪大雅存

楚江行盡粵江浮
又上間溪翳葉舟
老矣一編書落落
歸歟三徑竹修修
敢言索食依仁祖
且喜餐風頌細侯

相見幸存真面目行藏各自有千秋

雪崖招飲郡齋

凝香燕寢淨無塵絕稱棲遲散木身官舍却逢方外客

座有二禪宿

新知仍是故鄉人

張別駕蕭守府皆江南籍

奕忘勝負機心

盡饌絕葷羶道味親却憶金門同舍樂襟懷如舊髻絲

新

贈施質存

愚山之孫

碩果凋殘十六春欣于天畔見孤孫貧無世業文章在
弱有門風孝謹存遺集抱來何計刻荒莊彌望不堪論
青雲努力期繩祖漂梗慙余只贈言

偕雪崖遊悅山菴訪準彌上人

散人交契半禪翁，郡守何緣興寄同。
燒笋已邀陪辨老，籃輿更約訪溪公。
寺鄰飛觀諸天擁，城截蒼山一澗通。
盡日清言忘世事，居塵原不受塵籠。

贈準公

儒門淡泊向禪門，往事滄桑不可論。
入道全家棲海角，參方半偈徹心源。
嵩山竈墮名難晦，梨嶺薪傳道益尊。
爲報懶齋公案了，恢弘祖武仗兒孫。

故有末句

偕雪崖重過悅山菴

孤筇不厭逐雙旌重扣松關繞澗行
俗客未如禪客淡名心何似道心清
閑披梵筴天香發細展嵩碑祖系明
師藏會善寺列祖圖碑明天順間立敘五宗世系甚詳
莫道龐公貪選佛選官寧礙說無生

準公以嵩山石淙碑見贈賦謝

網羅古刻吾成癖師有同心事絕奇
退院尚藏嵩少榻磨崖最賞石淙碑
便邀割贈珠盈把預想臨摹墨滿池
無物可克瓊玖報端溪片硯與題詩

雪崖餞別梅仙山

使君送遠不尋常直上仙山快舉觴
峰在溪南塵世隔

身來天際水雲涼
平臨萬井芝城小
細數千帆鳥路長
控鶴駢鸞還有別
人生何必悵河梁

讜論危言一子真
珥貂慙殺漢廷臣
天將忠孝光仙籍
地以幽偏待至人
秘洞丹書迷篆籀
懸崖芝草秀冬春
無勞夢卜通靈異
我是槐根覺後身

梅仙祠爲郡人祈夢之所

廿年交好託同岑
知我煙霞結契深
娛客清暉用山水
贈行佳興藉登臨
松筠落落常堅節
風雨膠膠不改音
口吸西江無可說
重逢還理沒絃琴

荔支盆

荔支盆來三山枝
頭墮土生根難一
枝截得千株殘荔

支盆上建浦衝波蛟灘挽舟苦短蓬愁日復愁雨荔支
盆過仙霞千夫肩荷百吏遮汗流骨出愁鞭撻從此浮
江湖河去巖程晝夜不停住焦枯顛頓十存五寥落猩
紅綴孤樹蓬萊宮中掩露膏冰丸入口流瓊漿寧知一
丸數金值百旬勞擾千村忙大臣事君自有禮忠孝不
在養口體爭新作倘彼何人繹騷煩費無窮已不貴異
物惟吾

皇勤求民隱恒如傷誰能上書罷貢獻令人千載思唐
羌

夢筆山

山有精英宿有芒天將彩筆與江郎名賢踵武書堂在
禪宿潛鱗法雨長山寺爲覺浪和尚修證之所遺像尚留蛛織戶殘
僧不見燕棲梁寒山片石差堪語枯木重華更幾霜

過仙霞關

亂山環匝百千重隘口丸泥信可封石擬橫戈臨鐵甕
人如攀絙上金甍懸車地外都無地障日峰端更有峰
漫道一夫堪守險開關自昔不曾攻
戍壘無煙角不鳴時平容易擔書行松篁蒼鬱常含雨
祠殿翬飛舊駐兵白髮僧談灰劫事蒼苔壁蝕古賢名
南轅北轍吾衰矣慚愧勞勞過此生

江郎山

秀削三峰插半天
巖如兄弟立差肩
帆開笏卓形模巧
玉琢冰裁體骨堅
跋馬望來欹復正
視雲看去斷還連
仙人化石知何意
要見桑田變海年

遂初堂詩集卷之十四

豫遊草

渡江

羅浮衡桂恣登攀，看盡南條萬里山。
未到中原遊豈壯，不窮十嶽鬢空斑。
興來一艇江淮去，身健孤筇陝洛還。
解事金焦兩相送，晴峰流影片帆間。

重過縱棹園有感

園爲喬石林別墅

名園十載客重來，依舊紅英覆綠苔。
影水山巖迷昔徑，拂雲桐柳見初栽。
優閑元亮單車去，強健文通素旆迴。
大好園亭難穩臥，笛聲淒斷使人哀。

清江浦晤前輩衛爾錫先生

歷下當年別寧期此地逢浮生駒一瞬世事浪千重公
望朝端仰清修

聖眷鍾長臺持憲紀開府靖邊烽忽荷雷霆譴言投肅

慎封三冬餐黑雪萬里渡烏龍塞北有烏龍江習坎風波惡還

鄉雨露濃焦桐仍拂拭古冶更陶鎔水塞金隄決工分

瓠子衝泥塗巡僕僕版鋪理憧憧卑濕經年病辛酸百

藥攻避人蕭寺冷喜我足音是宦海牢愁緒冰天契濶

襟劇談催剪燭矯步却支筇早歲邀分硯清言每扣鐘

學期揀與交人擬匹君宗老大聰明減蹉跎骨相慵無

才超漢闕有伴釣吳淞
歷市頻經眼蛛絲不罣
胃只思精與述便抵樹
黥庸共有千秋願何當
一鴈從元音融梵夏
余與先生論音韻最相合昔有同著一書之約
至道溯黃農噩夢醒何在
凝塵鏡豈容不妨身似
樸安用腹生松

晤內弟王子栗

至戚多年別重逢
鬢已絲火耕愁儉歲
玉立見佳兒薄俗能
躬矯衰門幸力持
堂封還未卜風樹有
餘悲

絲蘿曾早締中斷劇
堪傷作賦方懷舊

潘安仁懷舊賦爲傷婦翁而作

題詩復悼亡幻緣如
夢短宿草比人長
獨客仍蓬轉淒其
葛屨霜

訪顧亭林先生遺書不得

先生著音學五書刻於淮浦張力臣家力臣亡其子以板質於人不可復問

吾師精力罄殘編獨溯元音遂古前
本託良朋校魚魯寧知遺刻散雲煙
鼎淪泗水終歸漢鼓落陳倉竟到燕
此日侯芭漫惆悵玄經千古定流傳

河隄

河隄高於山人民隄下居一潰如建瓴
萬戶愁爲魚人言百年前水濊數丈餘
船檣在岸下豈有決溢虞自從黃流灌
泥沙日填淤河身高過岸增隄使之漸
築塙而居水作計無乃疎紛紛治河者
議塞不議疏賈讓之下

策恪守莫敢渝行水不師禹壅遏徒區區

良醫視病人察脉審其證悉病所從來治之藥乃應濁
河本北流清淮自南亘河徙忽奪淮淮弱而河盛一石
八斗泥壅礙入海徑倒灌淮上流湖淤可涉厯堰堰始
衝決淮南受其病塞決固治標要須遂其性下流無路
行東遏必西迸瘡平毒未消堡閉盜猶橫旁觀方憂危
當局莫予聖

治河近稱善吾宗老司空

諱季

河徙時未久淮流尚爭

雄海口雖停沙可以水力衝淮主河乃客主壯客不攻
用清以刷濁當年策誠工淮今僅一綫河漲猶難容淤

沙積成土不濬焉得通古方治今病和緩枝亦窮疏淪
費雖多尺寸皆有功隄成倘蟻漏金錢擲波中

宿湖口

湖口汪洋已盡淤引河新鑿十等渠扁舟穩泊無風浪
爭奈洪流噎不舒

過洪澤湖

萬里中條水奔騰匯此湖淮吞千派入潁挾衆流趨浩
蕩包原隰微茫浸邑都涵天得分野羣地占輿圖背倚
高丘望今乘旅舶徂初循塘屈曲漸出浦縈紆嘯引中
流棹風開十幅蒲白浮濤似屋碧綴嶼如鳬浴日歸墟

接蒸霞少海鋪微雲山影在一髮岸痕無波靜魚龍伏
沙寒鵠鶴呼槎邊星象小萍際客身孤此水稱奇險長
征實畏途黑風吹颶母白晝舞天吳數報衝隄岸時聞
壞舳艫吾生何慶幸利涉只須與放舸林初曙停帆日
正晡軀輕思擊楫神王想乘桴只慨洪流壅長令沃野
蕪何時臻底定間井出泥塗

龜山

龜山一柱截淮流巖畔荒祠水際浮不是禹王乘橈至
支祈肯爲鎮千秋

泗州

城郭平沉不露痕。休論萬井與千村。僧伽何事無慈愍。
只保波心一塔存。

盱眙遇暴風雨水漲停舟登眺

長風驅濤濤起立。雨點如箭穿蓬入。水沒街衢欲吞邑。
丈夫倉皇兒女泣。舟人移船藏港急。長繩重錠猶業爇。
連朝風怒不得開。扶筇遣悶登高臺。四望茫洋白無際。
長山欲盡橫山來。盱眙傍山猶自可。泗州無山愁殺我。
殘民滿載渡河來。空城無人浪掀簸。客行見此歎不休。
淮民何辜懼百憂。普天無地容淮流。下方不攻攻上遊。
田廬漂沒未是愁。官符昨下催徵收。

浮山

浮山築堰截淮流百萬金錢付濁流
莫笑梁朝前事拙
壑鄰壅水古今愁

臨淮縣

颿風如使馬半日到濠梁國是塗山
舊城連鳳闕長雲
從多將相肺附亦侯王爵里存書史
孫枝不可詳

塗山

夏后塗山娶隨刊屢過門平成千古賴
玉帛萬方尊
草沒防風塚雲埋禹會村
山巔祠廟在豁眼盡中原

登荆山憇卞和洞

泊舟龍亢城荆山翠可掃策杖一攀登及此客程早繞
堞看河流披雲躡磴道孤標峰崢嶸錯布石瘦巧古洞
棲卞和題刻紛可考緬懷古良工得玉不自寶持之獻
國君璞完識者少再刖猶造庭泣血明懷抱不悲身傷
殘但痛世顛倒玉剖吾事終榮封棄如草斯人今則無
三緘以相保何代無懸黎沉淪璞中老

硤石山

切玉爲方割硯稜平堆側疊百千層巖巒變格真無盡
行遍天涯見未曾

壽州

南北兵爭地巖巖說壽春山川皆擁楚草木亦驚秦塔
曳風鈴古雲橫盡堞新八公仙隱處叢桂遠畱人

正陽關

淮潁殊清濁雙流會正陽連橋來豫粟分道走吳商
使新移署遊人也檢裝真龍畱榻處閑坐話滄桑

寺明太祖嘗過之
臥處名一榻房

關旁
有大

潁州

淮甸綿千里入文秀此州川長清鑑髮湖淨迥涵秋名
蹟傳雙柳遺封記寢丘無因分禁體得共子瞻遊

大梁詠古四首

漢郡唐藩舊奧區川原濶達水環趨朱梁建節潛移鼎
宋祖櫜弓就定都物產殷饒儲陸海漕艘便近引江湖
秦關洛邑終難竝敵騎長驅一險無

漫擬東京勝蹟繁蕭條何處古梁園陸沉昔見河平堞
桑海今看土沒垣麥秀荒原迷宋殿馬嘶空巷失明藩
中天艮嶽無拳石圖志蒼涼不忍緡

中州才俊舊如雲雄筆空同迥絕羣嵩渚文章潮海富

李僉事濂有高渚集一百卷

蘇門詩句蕙蘭芬史編損仲成新藁經

籍西亭纂墜聞文獻凋零傷此日石田蒿徑與誰耘
看碑讀記漫含情疲馬衝泥逐處行鐵塔寺前瞻嶽色

金梁橋畔聽河聲名都氣象如新造繡野風光喜乍晴
地運百年當轉易阜民端賴吏廉平

繁臺

繁讀如蒲

難尋蓬澤與樊樓惟有繁臺可眺遊碧樹千重分綺陌
黃雲萬頃覆平疇徐常壁壘中天出李杜祠堂異代留
汴水無渠陵谷徙暮蟬猶爲故宮愁

臺旁古塔不知年薛石層層佛像鑄鏟削人言銷王氣
攀登山已近寥天萬家煙樹重城外一綫河堤落照邊
往代興亡如昔夢欲將灰劫問金仙

相國寺

東京雄刹舊知聞天假清緣一榻分蕭灑身宜依道樹
寬閑地喜蔭慈雲窺池尚想天宮影覽碣曾無宋白文
宋真宗修寺成學士
宋白作碑甚典麗如綫禪燈垂絕際開田何似戒香
薰

朱仙鎮岳廟

百戰功成破竹時收京無詔詔班師朝廷久已捐中土
豪傑徒然奮義旗灑血忠魂應廟食薦馨父老尚歌思
八陵寂寞無椒糝一樹冬青更可悲

延津懷周計百太守

飛沙捲馬過延津揮淚無端感故人氣盛早年多忤物

才高晚歲不謀身，纔成墳墓西華天。
盡廢田園季豹貧，慚愧授餐稱國士。
蹄涔無計潤枯鱗。

衛輝府

衛國遺封汲郡雄，高城千雉夕陽中。
西來山勢覃懷接，北去河流渤海通。
井里舊存君子澤，林泉迥有逸人風。
竹書牴詭多奇蹟，草草停驗未可窮。

無龍石以名

卽事

卓魯龔黃盛此時，人人去後有餘思。
先賢祠墓無畱謁，半作遷官陌上碑。

輝縣道中

行盡平原忽見山清溪碧樹遶彎環還疑夢到鄉園路
身在荷陂稻頃間

潞王墳

墳有瘞腹甚崇宋今改爲寺二寺並
列其一乃王保母之墳亦有論祭碑

名藩舊邸總摧殘何意高墳此獨完宵梵晨鐘林杪出
行人長作佛堂看

稜稜碧瓦翼朱門寢殿依然御碣存保母可憐猶賜葬
蓬科無處問王孫

百泉

人言泉上好風景如江南落屐今始信羣峰列瑤簪石
竇泉沸湧輕明瀉平潭千珠噴錯落萬蓮披鬱鬱青知

林影倒白愛天光含纖鱗靜堪數錦石明可探中央峙
亭榭夾道羅楓楠洗心去夙滓漱齒消餘酣歷下泉散
布晉祠水平涵靈妙無過此品以第一堪茲惟千峰液
沆露同清甘入陂溉稷稻利汲資罌甕長流作衛河功
與淮濟泰轉漕歲十萬廟食神無慚祈福駢士女伐鼓
宵耽耽何當翠微裏一榻棲松龕高躅躡嵇阮真風接
丘譚便同瑤池飲豈必鸞鶴驤山有三仙洞爲丘劉
譚三人修真之所

蘇門山

山半有曉臺安樂篇
山巔有仙人足跡

太行勢北趨分支忽東繞磅礴爲蘇門亭亭秀而巧傳
記聞佳名茲辰遂遊眺蓄泉巖巒清產藥澗壑竒古觀

開山板高臺山林杪川光白千迴山色奇四抱不聞鸞
嘯道但見仙蹤小緬懷孫公和韜光而味道蟻視嵇阮
流伐性以自天追踪有堯夫天人窮奧眇遊洛如居山
卿相爲鷗鳥跡異心則同超然塵埃表後來更何人巖
阿跡如掃悠悠歲月徂矻矻雕鐫老歸去臥長林含真
以爲寶

比干墓

不能行遯與幽囚臣節惟將碧血畱諫到剖心甘殉國
死憑封墓不臣周遺民定灑墳前淚烈士思從地下遊
萬古少師祠廟在殷墟亳社黍油油

淇縣

朝歌舊邑古殷都
遺俗流風尚在無
邛什邠詩衰莫採
泉源洪水勝堪圖
地偏苦被鄰封割
民少常愁沃土蕪
蒙竹一竿難得見
行山如沐慰征途

湯陰縣岳廟

金人畏岳相人知
恨殺金牌返轡時
此日壺漿拜祠廟
還如夾道看旌旗

鄴中詠古四首

相衛名藩拱帝京
八方輻輳地寬平
合從將相盟洹水
定霸英雄據鄴城
尺寸山河皆用武
餘分時代少休兵

而今海晏天清日滿地桑麻不鳴

漳衛交流抱鄴都提封萬井足膏腴荒營遺恨九節度

古廟長懷二大夫

西門豹史起

六代繁華隨逝水三臺壯麗

剩浮圖閑書舊事思佳硯徧訪興和片瓦無

銅雀硯多高齊物瓦

上有興和字者今亦不可得

西園賓客盛如雲曹氏佳兒故不羣風骨詩家推七子

人材天意盛三分遺風杳遠膠難續雅道榛蕪硯欲焚

賴有殘編堪諷詠黃華詩句後渠文

王庭筠崔鉉

名蹟披圖半已荒巾車乘興且徜徉藩王邸作圖通寺

相國祠畱畫錦堂水冶清泠泉百沸金渠蒨鬱樹千行

炎天且喜無梅雨，麥浪風來盡日涼。

商王廟

廟祀河
宣甲

賣甲遷都古，令王金人碑在廟。荒涼割牲競向叢祠去，此地何人蕤薌香。

韓魏公祠

畫錦堂本在郡廨
今改作於祠旁

三臨鄉郡寵無倫，祠廟巍巍世業淪。歐記蔡書雙絕在，揭來不救子孫貧。

魏公後人皆南渡，鄉中今存數丁守祠者，揭碑以傳。

水冶泉

千朵葡萄一斛珠，碧雲籠樹水平渠。若教移向三吳去，不放亭臺寸地虛。

遂初堂集

豫遊草

遊林慮山

慮讀如問

林慮山勢鬱岩巖鄴郡漳河控帶遙關隘曲穿三晉脇
峰巒雄壓太行腰草沒廢殿藩封改月冷荒宮霸氣消
惟有煙嵐長似舊如屏如堞亘青霄

奇山堆疊不知層柳標橫擔次第登水向雲端藏曲折
石從天際露鋒稜藤陰遮斷巖無寺菜葉流來澗有僧
削鐵孤峰何路上梯空採藥羽人能

谷號黃花不見花步隨馴鹿到仙家潭空玉女頻窺鏡
磴仄元君舊駐車瀑掛虛巖千丈雪城臨絕壑半天霞
凝水一嚙涼心腑直上清都路不賒

行盡懸崖十八盤天平一徑入蒼寒削成帝闕排風上
湧出神樓倒影看日煖衆香生藥草天空清籟發風湍
仙區靈境無人住滿地松陰覆石壇

嶺山寺古白雲封亭館荒涼剩五松雪練鋪成三疊澗
瑤簪秀出一天峰神燈隱見來深夜氷塔峻嶒結暮冬
看盡陰晴山萬變水晶簾內坐金容

千峰頂上一峰纖寨入天心號蟻尖鑿磴纔通樵徑窄
防關曾駐禁軍嚴十雙地可春前種百道泉從雨後添
信有仇池堪避世惟須抱犢與腰鎌

福地天開碧玉城泉香藥富有餘清蕭瑟隱處無踪跡

夏馥來時變姓名，蟬蛻真堪遺濁世。鴻軒豈必學長生，耽山吾慕黃華老。納祿移家酷有情，王庭筠自號黃華老人

不耐紅塵上客顏。籃輿偷得旬閑重尋台，蕩三生夢飽看荆關。白幅山欲話真風，僧碌碌試徵逸事。碣班班天畱遺勝邀重到，墨竈金燈待更攀。

韓陵山

山有溫子昇碑

亭亭古寺倚高岡，識是高歡舊戰場。霸業由來開汗馬，閼朝還自重文章。碑能再刻流傳久，閣可頻登覽眺長。此日徐陵增感慨，更無佳筆似溫郎。

三臺

銅雀傾頽水井沉惟餘金鳳枕漳陰妝樓換作神霄館
歌曲移爲仙苑音甌鼎英雄空創業分香兒女亦關心
絕憐漢號西驚瓦砂礫叢殘不可尋

瓦上有建安年號者乃曹氏物尤難

疑塚

荒塚纍纍斧鍤侵當年松柏想成陰西陵信美何須此
異代還防有摸金

鄴鎮

古鄴城在其地

城沒寒蕪水擁沙鶴歸不見舊繁華
若看臥犢揮鋤地盡是當年將相家

安陽橋

橋畔有新柳碑

安陽郭外水平橋千里神京去不遙
憔悴桓公對官柳休將殘淚灑新條

渡河

汴河千里達淮徐順浪輕帆鳥不如
二室三花遙待我未能買棹更驅車

具茨山

行盡平原不見山晴霄今喜見
羣顏層峰迥出空同表
秀色橫鋪汝潁間軒后不來雲
庵竊仙童無處藥斑斕
中州大有殊庭在乞得閒身取次攀

天仙廟

古祠密城東三仙坐相竝云是黃帝女爲神禱有應殿
後三白松駢根態奇勁爪作蚪龍拳膚如冰雪淨品題
古無人千春月孤映明代始有聞詞人遞歌詠玉樹比
青蔥蕊珠喻蟻覩披圖想見之竭來訪幽勝何期樹已
枯屈鐵枝空亘無復香潔姿猶存嚴毅性微聞苦遊人
潛損官所令物亦貴知希有名竟爲病神物當不死何
年更榮盛祠旁觀靈泉點滴出崖磴翻灑飄圓珠潄泓
承玉鏡一吸涼心脾差堪慰遊興黃冠衡山來貌古語
可聽指點廣成居微茫在煙徑窮探恨未能驅馬山村

冥

中嶽廟

嵩山無旁支傑立勢雄特一舍遠見之蒼然太古色漸
近出衆峰嵯峨不欹側峰前碧琉璃嶽神廟翼翼唐封
制猶新漢表闕水泐入門趨廣庭穹碑森崩劣交陰古
栢青對立金人黑殿敞如王居神尊分帝職嶽於天地
間萬古有恒德端拱朝百靈牖民惟正直肯以萬歲呼
滋彼驕主惑從官諂可嗤奉邑神豈食歷代侈褒封人
爵非天則偉哉明高皇羣神號竝革嶽瀆用本名推崇
此爲極興朝肅明禋春秋祀不忒大事必告虔丹竒炳

嚴飾方今苦旱賜焦原神所惻急爲鞭蛟龍甘霖救嘉
稷更願滋黃中淑靈厚培植篤生甫與申直道屏王國
嵩陽書院

嵩山富巖谷域中稱奧區舊爲釋老擅基布開精廬太
室一書院孤懸久爲墟嵩陽今改築林泉占清疎地卽
廢觀址人有先賢模偉哉耿先生洛下之醇儒強健謝
簪紱躬修淑其徒買田構學舍勸士使羣居詵詵講禮
讓濟濟談唐虞境方嶽麓勝規與鹿洞俱哲人旣已沒
斯路漸榛蕪堂館仍潔清寂寥絃誦虛珠官及梵宇久
者千年餘人亡業不墜師弟如聯珠儒門何淡薄盛衰

在須臾豈無敦龐士沿伊而溯洙庶其續斯緒母令獨
流淤

漢封栢

世間之木誰最古嵩陽三栢無與伍一株火焚一半枯
枯者鮮枝猶楚楚一株獨完大百圍堅如金銅怪龍虎
老榦駢立直不欹孤根中蟠厚而廕磊砢節目凍凝霜
蒼鬱枝條潤含雨苔色黯淡追蠡鐘篆文斑駁岐陽鼓
童童雲外聳危幢嶽嶽天中標一柱不知栽自何年
但說褒封經漢武夏后隨山或顧瞻周公卜洛應摩撫
明堂清廟用孫枝福地仙山畱鼻祖我行天下多壯觀

但恨古樹多摧殘，大夫松亡剩枯枿。七星檜朽畱空欄，
怪松不見天台頂。社橘無復湘江干，孔庭之檜亦半死。
菩提樹短無花看，幸得覩此太古物。氣象渾樸神堅完，
商彝周鼎詎足竝。如獲璧經字不刊，金人辭漢茂陵圯。
此栢無恙青檀樂，所嗟人壽不如木。螭蛄朝菌良可嘆，
人身亦有不朽物。後天而老先天安，但能洞徹見本性。
豈必膠擾求還丹？

栢旁有感應，頌爲唐明皇鍊丹而作。

會善寺二首

蘭若端居二室中，臨箕俯頽勢清雄。唐碑字字金鑱壁，
宋栢枝枝翠掃空。壇古嶽神曾受戒，僧高列帝每趨風。

祇今法運衰頽日猶喜滌沱一線通

院主夫隱是齊宗人

地迥林深六月寒停車盡日此盤桓
閑徵法系捫碑辨靜把嵩書映月看
半榻松風清辟夢三匙粟飯軟加餐
大千掌果分明見始信維摩丈室寬

少林寺四首

三十六峰下天開古少林一屏當戶秀
千樹擁簷深世主曾停輦禪宗此印心
興衰經百過鐘板有餘音

五乳昔曾夢三花今始攀繡書虛室靜
坐月廣庭開夏日不停樹秋涼先借山
身心雙寂寞高枕欲忘還地似曾遊熟
僧如舊識親名山應宿願淨業是前因
老

覺浮名誤閑知道味真出塵須勇猛斷臂是何人

精藍饒古蹟周覽壁西東文獻殘碑裏宗支繪像中名

非北海大文愧簡棲工

王巾字簡棲
撰頭陀寺碑

雪上聊畱爪鴻飛

已碧空

初祖菴

獨蘊拈花意迢迢萬里來棲林身似鶴面壁語如雷法
自單傳盛宗憑五葉開無人見真面影像在塵埃

登嵩山絕頂三首

行窮碧磴與丹梯直上天門路不逃涼冷人新餐沆瀣
孤高杖可撥雲霓迴看鳥道南峰伏側睇蓮花少室低

聖世不言封禪事荒寒御路草生齊

不辭觸熱上嵩巔欲遣雙眸盡八埏翠嶺千重包楚塞
黃河一線下秦川長安遠隔浮雲外鄉國微分匹練邊
清嘯一聲鸞鶴應隨風飄去落何天

遙呼玉女進霞杯獨立中天萬仞臺城郭平臨攢蟻垤
澗泉直下走轟雷輪囷雲自封中起縹緲笙從鶴背來
乞與神丹教駐景願同伯壽上千回

宋秘書監劉伯壽
老登嵩巔題名云

已八十
四次矣

盧巖

是唐盧
鴻隱處

唐有東漢風龍禮巖谷上盧君隱嵩山三詔強之起荷

衣至金門長揖見天子豈真昧時宜欲以迂放耳諫
官不卑辭之如脫屣優禮送還山進退有終始遠勝樊
英流虛聲爲世恥竭來訪故居巖淅路宛委空谷四無
鄰山花爛紅紫峭壁如崩雲空懸瀑布水溪清鳴珮環
石淨疊錦綺草堂依巖開占盡林壑美圖亡誌記存十
勝可意擬俗流諒難居捨宅良有以如何田衣人苦饑
復捨此寺荒無殿堂佛坐荆榛裏安得支遁流精廬重
整理榻我長松根剝苓烹石髓

龍潭寺二首

寺闕嵩山角人來月上初加餐香稻美堅坐廣庭虛峰

影浮林杪溪聲徹夢餘塵襟都滌盡况復警鐘魚

飯是開田博僧因學律增威儀三代肅經論一家弘瀾

可在禪祗門從宿將與

開山僧洞然乃武弁出家者

潭龍已馴性聽

法此中曾

測景臺

唐虞命羲和測候窮四表中邦獨闕如古制今莫曉周
公營洛都土中乃推考陽城實地心天樞對臨照築臺
奠坤維測日析分杪世遠制不湮崇牖可登眺土圭仍
端完石尺更精巧恐此本古規元公非意造周官與考
玉義疏需細討九鼎旣淪亡東周跡如掃獨此彝器存

天球可同寶安得明曆人同遊洛南道洞窺古聖心豁
眼對穹昊

箕山

孔孟經世人汲汲稱舜禹莊列遺世人嚶嚶說巢許風
尚雖不同意義各有取世風日澆漓名利相煎煮細或
競錐刀大乃爭疆土達人教以讓榮貴等腐鼠巍巍黃
屋尊辭之輕一羽息爭而養恬風世非小補夷齊與戴
札傳記載楚楚何獨疑由光無人但空語遺塚徵馬遷
流傳自上古至德豈無鄰巢樊真逸侶洗耳及牽牛倡
子聊和汝我來訪幽踪荒祠久延佇巖高水清寒彷彿

見睂宇世豈無逸民混迹漁樵伍龍潛哉其鱗俗客焉得覩

石淙

夏宴石淙詩唐武后時刻石上秋梁公亦在列

何意陂陀坂阜間忽逢米老袖中山石依湍勢爲巖洞水漱峰根作珮環割得武夷清一曲分來龍渚翠雙鬟金輪鐫刻爲山尾猶喜梁公句未刪

五一園

園爲焦司理汝將別墅焦曾撰嵩高志取齊民要術菜居五之一以名園

讀志方推結撰精尋園更喜藥欄成竹籠幽磴堪逃暑泉帶疎籬好濯纓岳爲遠看羣岫出箕因晴對古祠明

園中有瞻許亭

人間滋味菰葵永種入花畦嶺露烹

萼嶺

萼嶺中開處關傳古輶轅時清無埃卒地勝有祇園嶽
勢趨邛轉河流帶洛翻煙村青不斷如掌見平原

緱山

王子青宮貴求仙意自超無才安九鼎有骨近三霄獻
地悲王赧尋戈笑子朝何如緱嶺上乘月理笙簫

龍門

洛陽令錢杲山置酒
賓賜洞分韻賦詩

神禹疏百川平成渺無迹茲山盤痕存千尋見裂石連
岡爲修蛇五丁斧其脊中斷若蛾眉正對洛陽陌導伊
使朝宗形勝壯莫敵前朝游觀地卿相交履舄佛寺盛

金銀亭館彌山澤今何太荒寒
寒岸沙與礫所欣巖洞幽空明
類仙宅泉珠亂迸崖樹陰交垂
席暫棲隔塵囂久臥忘形役惟
嫌鑄佛多萬軀嵌層壁不悟清淨
理莊嚴侈何益題刻多隋唐班
班辭可剔不見香山翁浮圖翠
雙滴

讀記想伊闕誦詩懷龍門嵩遊
不言倦驅車越轍轅令君敬愛
客班荆誼偏敦導客爲清遊輕
騎乘朝暎聯袂共臨賞垂蘿恣
攀捫歧磴選奇石沿流挹芳蓀
涼開松間席快酌泉上尊西睇
極峻谷南觀窮陸渾雅詠陋絲
竹高談破籠樊幽情旣交暢逸
興方孤騫客非歐謝侶

主乃思公倫此樂足千古難爲流俗言華林與金谷蕭
條滅無痕君看官道左惟有邵祠存

洛中詠古四首

嵩邙環抱洛縈紆表裏山河識舊都族姓千年人質厚
桑麻萬井土膏腴平分晷影調寒燠輻輳梯航便轉輸
定鼎由來非一地宅中終是古規模

山水華林跡總平六街三市蔓縱橫官殊唐宋無畱守

地歷金元失禁城

今城北古
城五之一

蟻賊踰來多戰壘劫灰過

後少耆英牡丹移種金松朽那得園池尚有名

野客無端感夢華隋宮唐院鬪豪奢游龍流水通侯第

諸鳥名花上相家運去銅人辭漢殿時移玉盤出塵沙
銜之莫撰伽藍記多恐金仙也嘆嗟

太平時節退休人慣住嵩陰與洛濱白傅宮僚原散吏
溫公書局亦閑身水南高士道榮早駭壤先生味道親
千載風流如可卽勞勞真愧素衣塵

天津橋

天津橋畔水粼粼桂楫香車競上春何處蜀鵲啼過耳
行窩愁殺白頭人

洛神廟

造端託興亦多辭賦筆寧當免帝姬賴是感甄人共曉

洛神千古尚畱祠

北邙山

邙山迤邐亘天長天與都城作巨防
臨眺川原如畫卷
幽尋寺觀有隋唐百年將相歸黃土
是處狐狸穴便房
名蹟豐碑總磨滅耕人拾得舊銀章

白馬寺

零雨沾裳阻客輿暫休還喜得精廬
僧來慈嶺馱經日
寺創清涼壽像初兵後千章畱栢檜
宵分數衲自鐘魚
道場最古無如此講席禪燈未可虛

田橫墓二首

齊甯寧甘作漢臣便邀封爵亦危身樹功將相猶蒞醢
何況同時逐鹿人

五百人同地下遊何如堅臥海東頭高帆大舶爲徐市
瀛島何方不可留

鞏縣

鞏洛東周隘經行險始知河流吞岸窄山勢壓城危勇
豈投鞭渡輕難竝繼馳洛倉遺蹟在轉粟至今宜

虎牢

地自春秋紀關從秦帝開攢峰當萬雉束峽聳層臺閃
霧旌旗濕驚秋鼓角哀時清無守險老將一筇來

滎陽

成阜險已歷京索地如何城倚懸崖偏川縈削岸多龍
爭曾伏弩虎蹙竟悲歌楚漢皆陳迹殘碑不可摩

廣武

蓋世英雄項與劉曹姦馬謖實堪羞阮生一掬西風淚
不爲前朝楚漢流石勒云大丈夫當光明磊落不能效
曹孟德司馬仲達欺人孤兒寡婦狐媚以取人下嗣宗意正如此英雄
自屬漢高監下指魏晉問人耳

鴻溝

裁割鴻溝便背盟良平當日見分明中分天下爭方始
直取重瞳始息兵

鄭州

水利中州少茲邦幸有餘溉田無渴澤潤郭有清渠雪
粒炊香稻霜鱗躍白魚客愁聊爲減風景故鄉如

通許署中池亭四首

清絕衙齋畔臨池一草亭藥苗斜引架花蔓曲穿屏壁
淨生虛白簾疎納遠青纖塵不到處鏡水自淵渟
令君心若水臥治足優遊吏散攤書坐朋來鎖闌畱芳
尊花下砌清嘯月中樓案牘無妨冗忘機可狎鷗
倦遊吾暫憇淹滯忽連旬愛此清幽地偏宜懶散人獨
吟雲共冷危坐石相親映水花多種分番照眼新

官閣書偏富移來滿榻橫
徵文碑細檢紀勝句添成
盛暑基中盡新涼琴上生
鄉心誰喚起天外擣衣聲